



Cujus animam gementem,
 Contristatam et dolentem,
 Pertransivit gladius.

—*— **Sabbato sancto.** —*—

AD MATUTINUM.

In I. Nocturno.

Añã. In pace in idípsum,
 dormiam et requiescam.

Psalmus 130.

CUM invocárem ex-
 audivit me Deus
 justítiae meae : *
 in tribulatióne dilatásti
 mihi.

Miserére mei, * et exáu-
 di oratióem meam.

Fílii hóminum úsquequo
 gravi corde? * ut quid di-
 ligitis vanitátem, et quæ-
 ritis mendácium?

Et scitóte quóniam miri-
 ficávit Dóminus sanctum
 suum : * Dóminus exáu-
 diet me cum clamávero
 ad eum.

Irascímmini, et nolíte pec-
 cáre : * quæ dicitis in cór-
 dibus vestris, in cubilibus
 vestris pungimini.

Sacrificáte sacrificium
 justítiae, et speráte in
 Dómino : * multi dicunt :
 Quis osténdit nobis bona?

Signátum est super nos
 lumen vultus tui Dómi-
 ne : * dedisti lætítiam in
 corde meo.

A fructu fruménti, vini,
 et ólei sui * multiplicáti
 sunt.

In pace in idípsum * dór-
 miam, et requiescam;

Quóniam tu Dómine sin-
 gularíter in spe * consti-
 tuísti me.

Añã. In pace in idípsum,
 dormiam et requiescam.

Añã. Habitábit in taber-
 náculo tuo, requiescet in
 monte sancto tuo.

Psalmus 130.

Domine quis habitábit
 in tabernáculo tuo? *
 aut quis requiescet in
 monte sancto tuo?

Qui ingréditur sine má-
 cula, * et operátur justí-
 tiam :

Quilóquitur veritátem in
 corde suo, * qui non egit
 dolum in lingua sua :

Nec fecit próximo suo
 malum, * et oppróbrium
 non accépit advérsus pró-
 ximos suos.

Ad níhilum dedúctus est
 in conspéctu ejus malí-
 gnus : * tímèntes autem
 Dóminum glorificat :

Qui jurat próximo suo,
 et non decipit, * qui pecú-
 niam suam non dedit ad
 usúram, et múnera super
 innocéntem non accépit :

Qui facit hæc, * non mo-
 vébitur in ætérnum.

Aña. Habitabit in tabernaculo tuo, requiescet in monte sancto tuo.

Aña. Caro mea requiescet in spe.

Psalmus xv.

Conserva me Domine, quoniam speravi in te. * Dixi Domino: Deus meus es tu, quoniam bonorum meorum non eges.

Sanctis, qui sunt in terra ejus, * mirificavit omnes voluntates meas in eis.

Multiplicatae sunt infirmitates eorum: * postea acceleraverunt.

Non congregabo conventicula eorum de sanguinibus: * nec memor ero nominum eorum per labia mea.

Domini pars hereditatis meae, et calicis mei: * tu es, qui restitues hereditatem meam mihi.

Funes ceciderunt mihi in praeclearis: * etenim hereditas mea praecleara est mihi.

Benedicam Dominum, qui tribuit mihi intellectum: * insuper et usque ad noctem increpuerunt me renes mei.

Provideram Dominum in conspectu meo semper: * quoniam a dextris est mihi, ne commovear.

Propter hoc laetatum est cor meum, et exsultavit lingua mea: * insuper et caro mea requiescet in spe. Quoniam non derelinques animam meam in inferno: * nec dabis sanctum tuum videre corruptionem.

Notas mihi fecisti vias vitae, adimplebis me letitia cum vultu tuo: * delectationes in dextera tua usque in finem.

Aña. Caro mea requiescet in spe.

V. In pace in idipsum.

R. Dormiam et requiescam.

Pater noster. **secreto.**
De Lamentatione Jeremiae Prophetae.

Lectio j. Cap. iij. c Heth.
Miseri cordiae Domini quia non sumus consumpti: quia non defecerunt miserationes ejus.

Heth. Novi diluculo, multa est fides tua.

Heth. Pars mea Dominus, dixit anima mea: propterea exspectabo eum.

Teth. Bonus est Dominus sperantibus in eum, animae quaerenti illum.

Teth. Bonum est praestolari cum silentio salutare Dei.

Teth. Bonum est viro, cum portaverit jugum ab adolescentia sua.

Jod. Sedebit solitarius, et tacabit: quia levavit super se.

Jod. Ponet in pulvere os suum, si forte sit spes.

Jod. Dabit percipienti se maxillam, saturabitur opprobriis.

Jerusalem, Jerusalem, convertere ad Dominum Deum tuum.

R. Sicut ovis ad occisionem ductus est, et dum male tractaretur, non aperuit os suum: traditus est ad mortem: * Ut vivificaret populum suum. **V.** Tradidit in mortem animam suam, et inter sceleratos reputatus est. — Ut.

Lectio ij. Cap. iv. Aleph.

Quomodo obscuratum est aurum, mutatus est color optimus, dispersi sunt lapides sanctuarii in capite omnium platearum?

Beth. Filii Sion inclyti, et amicti auro primo: quomodo reputati sunt in vasa testea, opus manuum figuli?

Ghimel. Sed ut lamiae nudaverunt mammam, lactaverunt catulos suos: filia populi mei crudelis, quasi struthio in deserto.

Daleth. Adhaesit lingua lactentis ad palatum ejus in siti: parvuli petierunt panem, et non erat qui frangeret eis.

He. Qui vescebantur voluptuose, interierunt in viis: qui nutriebantur in cruceis, amplexati sunt stercora.

Vau. Et major effecta est iniquitas filiae populi mei peccato Sodomorum, quae subversa est in momento, et non ceperunt in ea manus.

Jerusalem, Jerusalem, convertere ad Dominum Deum tuum.

R. Jerusalem surge, et exue te vestibus jucunditatis: induere cinere et cilicio, * Quia in te occisus est Salvator Israel.

V. Deduc quasi torrentem lacrymas per diem et noctem, et non taceat pupilla oculi tui. — Quia.

Incipit Oratio Jeremiae Prophetae.

Lectio iij. Cap. v.

Recordare Domine quid accidit nobis: intueri, et respice opprobrium nostrum. Hereditas nostra versa est ad alienos, domus nostrae ad extraneos. Pupilli facti sumus absque patre, ma-

tres nostræ quasi viduæ. Aquam nostram pecunia bibimus: ligna nostra pretio comparavimus. Cervicibus nostris minabamur, lassus non dabatur requies. Ægypto dedimus manum, et Assyriis ut saturarémur pane. Patres nostri peccaverunt, et non sunt: et nos iniquitates eorum portavimus. Servi dominati sunt nostri: non fuit qui redimeret de manu eorum. In animabus nostris afferebamus panem nobis, a facie gladii in deserto. Pellis nostra, quasi cibanus exusta est a facie tempestatum famis. Mulieres in Sion humiliaverunt, et virgines in civitatibus Juda.

Jerusalem, Jerusalem, convertere ad Dominum Deum tuum.

℟. Plange quasi virgo plebs mea: ululate pastores in cinere et cilicio: * Quia venit dies Domini magna, et amara valde.

℣. Accingite vos sacerdotes, et plangite ministri altaris, aspergite vos cinere.—Quia venit. Plange.

In II. Nocturno.

Añã. Elevamini portæ æternales, et introibit Rex gloriæ.

Psalms xxij.

Domini est terra, et plenitudo ejus: * orbis terrarum, et universi qui habitant in eo.

Quia ipse super maria fundavit eum: * et super flumina preparavit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non accepit in vano animam suam, nec juravit in dolo proximo suo.

Hic accipiet benedictionem a Domino: * et misericordiam a Deo salutari suo.

Hæc est generatio querentium eum, * querentium faciem Dei Jacob.

Attollite portas principes vestras, et elevamini portæ æternales: * et introibit Rex gloriæ.

Quis est iste Rex gloriæ? * Dominus fortis et potens: Dominus potens in proelio.

Attollite portas principes vestras, et elevamini portæ æternales: * et introibit Rex gloriæ.

Quis est iste Rex gloriæ? * Dominus virtutum ipse est Rex gloriæ.

Añã. Elevamini portæ æternales, et introibit Rex gloriæ.

Añã. Credo videre bona Domini in terra viventium.

Psalms xxij.

Dominus illuminatio mea, et salus mea, * quem timebo?

Dominus protector vitæ meæ, * a quo trepidabo?

Dum appropiant super me nocentes, * ut edant carnes meas.

Qui tribulant me inimici mei, * ipsi infirmati sunt et ceciderunt.

Si consistant adversum me castra, * non timebit cor meum.

Si exurgat adversum me proelium, * in hoc ego sperabo.

Unam petii a Domino, hanc requiram, * ut inhabitem in domo Domini omnibus diebus vitæ meæ:

Ut videam voluptatem Domini, * et visitem templum ejus.

Quoniam abscondit me in tabernaculo suo: * in die malorum protexit me in abscondito tabernaculi sui.

In petra exaltavit me: * et nunc exaltavit caput

meum super inimicos meos.

Circuivi, et immolavi in tabernaculo ejus hostiam vociferationis: * cantabo, et psalmum dicam Domino.

Exaudi Domine vocem meam, qua clamavi ad te: * miserere mei, et exaudi me.

Tibi dixit cor meum, exquisivit te facies mea: * faciem tuam Domine requiram.

Ne avertas faciem tuam a me: * ne declines in ira a servo tuo.

Adjutor meus esto: * ne derelinquas me, neque despicias me Deus salutaris meus.

Quoniam pater meus, et mater mea dereliquerunt me: * Dominus autem assumpsit me.

Legem pone mihi Domine in via tua: * et dirige me in semitam rectam propter inimicos meos.

Ne tradideris me in animas tribulantium me: * quoniam insurrexerunt in me testes iniqui, et mentita est iniquitas sibi.

Credo videre bona Domini * in terra viventium.

Exspécta Dóminum, virí-
liter age : * et confortétur
cor tuum, et sústine Dó-
minum.

Aña. Credo vidére bona
Dómini in terra vivén-
tium.

Aña. Dómine abstraxísti
ab inferis ánimam meam.

Psalmus rrr.

EXaltábo te Dómine
quóniam suscepísti
me : * nec delectásti ini-
micos meos super me.

Dómine Deus meus cla-
mávi ad te, * et sanásti
me.

Dómine eduxísti ab in-
férno ánimam meam : *
salvásti me a descendén-
tibus in lacum.

Psállite Dómino sancti
ejus : * et confitémini me-
móriæ sanctitátis ejus.

Quóniam ira in indigna-
tíone ejus : * et vita in vol-
untáte ejus.

Ad vésperum demorábi-
tur fletus : * et ad matu-
tínium lætítia.

Ego autem dixi in abun-
dántia mea : * Non mové-
bor in ætérnum.

Dómine in voluntáte
tua, * præstitísti decóri
meo virtútem.

Avertísti fáciem tuam a
me, * et factus sum con-
turbátus.

Ad te Dómine clamábo : *
et ad Deum meum depre-
cabor.

Quæ utilitas in ságuine
meo, * dum descéndo in
corruptíonem?

Numquid confitébitur
tibi pulvis, * aut annun-
tiábit veritátem tuam?

Audívit Dóminus, et mi-
sértus est mei : * Dóminus
factus est adjútor meus.

Convertísti planctum
meum in gáudium mihi : *
conscidísti saccum meum,
et circumdedísti me læ-
títia :

Ut cantet tibi glória mea,
et non compúngar : * Dó-
mine Deus meus in ætér-
num confitébor tibi.

Aña. Dómine abstraxísti
ab inferis ánimam meam.

V. Tu autem Dómine
miserére mei. **R.** Et re-
súscita me, et retribuam
eis.

Pater noster. **secreto.**
Ex Tractátu sancti Augu-
stíni Episcopi super Psal-
mos.

In Psalm. lxiiij. vers. vij.

Lectio ib.



Ccédet homo ad
cor altum, et exal-
tábitur Deus. Illi
dixerunt, Quia nos vidé-
bit? Defecérunt scrután-
tes scrutatiónes, consília

mala. Accessit homo ad
ipsa consília, passus est
se tenéri ut homo. Non
enim tenerétur nisi homo,
aut viderétur nisi homo,
aut cæderétur nisi homo,
aut crucifigerétur, aut
morerétur nisi homo. Ac-
césit ergo homo ad illas
omnes passiones, quæ in
illo nihil valérent, nisi
esset homo. Sed si ille non
esset homo, non liberarétur
homo. Accessit homo
ad cor altum, id est, cor
secrétum, objiciens aspé-
ctibus humanis hóminem,
servans intus Deum : ce-
lans formam Dei, in qua
æquális est Patri, et óffe-
rens formam servi, qua
minor est Patre.

R. Recésit pastor no-
ster, fons aquæ vivæ, ad
cujus tránsitum sol obscu-
rátus est : * Nam et ille
captus est, qui captívum
tenébat primum hómi-
nem : hódie portas mortis
et seras páriter Salvátor
noster dirúpit. **V.** Destrú-
xit quidem claustra infér-
ni, et subvértit poténtias
diáboli. — Nam et ille.

Lectio v.

QUO perduxérunt illas
scrutatiónes suas,
quas perscrutántes defe-
cerunt, ut étiam mórtuo

Dómino et sepúlto, custó-
des pónerent ad sepúl-
crum? Dixérunt enim Pi-
láto : Sedúctor ille : hoc
appellabátur nómine Dó-
minus Jesus Christus, ad
solátium servórum suó-
rum, quando dicúntur se-
ductóres : ergo illi Piláto :
Sedúctor ille, ínquunt,
dixit adhuc vivens : Post
tres dies resúrgam. Jube
ítaque custodiri sepúl-
crum usque in diem tér-
tium, ne forte véniant di-
scípuli ejus, et furéntur
eum, et dicant plebi, Sur-
réxit a mórtuis : et erit
novíssimus error peyor
prióre. Ait illis Pilátus :
Habétis custódiám, ite,
custodíte sicut scitis. Illi
autem abeúntes, munié-
runt sepúlcrum, signántes
lápidem cum custódibus.

R. O vos omnes, qui
transítis per viam, attén-
dite et vidéte, * Si est do-
lor símilis sicut dolor
meus. **V.** Atténdite uni-
vérsi pópuli, et vidéte do-
lórem meum. — Si est.

Lectio vij.

POsuerunt custódes mí-
lites ad sepúlcrum.
Concússa terra Dóminus
resurréxit : mirácula facta
sunt tália circa sepúlcrum,
ut et ipsi mílites, qui cu-

stódes advénerant, testes fíerent, si vellent vera nuntiáre. Sed avarítia illa, quæ captivávit discipulum cómitem Christi, captivávit et mílitem custódem sepúlcri. Damus, inquit, vobis pecúniam : et dícite, quia vobis dormiéntibus venérunt discipuli ejus, et abstulérunt eum. Vere defecerunt scrutántes scrutatiónes. Quid est, quod dixísti, o infélix astútia? Tantúmne désaris lucem consílii pietátis, et in profúnda versútiae demérgeris, ut hoc dicas : Dícite, quia vobis dormiéntibus venérunt discipuli ejus, et abstulérunt eum? Dormiéntes testes ádhibes : vere tu ipse obdormísti, qui scrutándo tália defecísti.

R. Ecce quómodo móritur justus, et nemo pércipit corde : et viri justí tollúntur, et nemo considerat : a fácie iniquitátis sublátus est justus : * Et erit in pace memoria ejus. **V.** Tamquam agnus coram tondénte se obmúit, et non apéruit os suum : de angústia, et de júdicio sublátus est. — Et erit. **Ecce.**

In III. Nocturno.

Aña. Deus ádjuvat me, et Dóminus suscéptor est ánimæ meæ.

Psalmus liij.

DEus in nómine tuo salvum me fac : * et in virtúte tua júdica me.

Deus exáudi oratióne meam : * áuribus pércipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : * et non proposuérunt Deum ante conspéctum suum.

Ecce enim Deus ádjuvat me : * et Dóminus suscéptor est ánimæ meæ.

Avérte mala inimicis meis : * et in veritate tua dispérde illos.

Voluntárie sacrificábo tibi, * et confitébor nómini tuo Dómine : quóniam bonum est :

Quóniam ex omni tribulatióne eripuísti me : * et super inimicos meos dispéxit óculus meus.

Aña. Deus ádjuvat me, et Dóminus suscéptor est ánimæ meæ.

Aña. In pace factus est locus ejus, et in Sion habitatio ejus.

Psalmus lxxv.

NOtus in Judæa Deus : * in Israel magnum nomen ejus.

Et factus est in pace locus ejus : * et habitatio ejus in Sion.

Ibi confrégit poténtias árcuum, * scutum, gládium, et bellum.

Illúminans tu mirabíliter a móntibus ætérnis : * turbáti sunt omnes insipientes corde.

Dormiérunt somnum suum : * et nihil invenérunt omnes viri divitiárum in mánibus suis.

Ab increpatióne tua Deus Jacob * dormitavérunt qui ascenderunt equos.

Tu terríbilis es, et quis resistet tibi? * ex tunc ira tua.

De cælo audítum fecísti júdicium : * terra trémuit, et quiévit,

Cum exsúrgeret in júdicium Deus, * ut salvos fáceret omnes mansuétos terræ.

Quóniam cogitatio hómínis confitébitur tibi : * et reliquæ cogitatiónis diem festum agent tibi.

Vovéte, et réddite Dómino Deo vestro : * omnes qui in circúitu ejus affértis múnera.

Terríbili et ei qui aufert spíritum princípum, * terríbili apud reges terræ.

Aña. In pace factus est locus ejus, et in Sion habitatio ejus.

Aña. Factus sum sicut homo sine adjutório, inter mórtuos liber.

Psalmus lxxvij.

Domine Deus salutis meæ : * in die clamávi, et nocte coram te.

Intret in conspéctu tuo oratio mea : * inclína aures tuas ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber,

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos

a me : * posuerunt me abominatiōem sibi.

Trāditus sum, et non egrediēbar : * oculi mei languērunt prae inōpia.

Clamāvi ad te Dōmine tota die : * expāndi ad te manus meas.

Numquid mōrtuis faciēs mirabilia : * aut medici suscitābunt, et confitebūntur tibi?

Numquid narrābit aliquis in sepūlcro misericōrdiam tuam, * et veritatem tuam in perditōne?

Numquid cognoscēntur in tēnebris mirabilia tua : * et iustitia tua in terra obliuionis?

Et ego ad te Dōmine clamāvi : * et mane oratio mea praeueniet te.

Ut quid Dōmine repellis orationem meam : * auertis faciē tuam a me?

Pauper sum ego, et in laboribus a iuventute mea : * exaltatus autem, humiliatus sum et conturbatus.

In me transierunt irae tuae : * et terrores tui conturbauerunt me.

Circumdedērunt me sicut aqua tota die : * circumdedērunt me simul.

Elongasti a me amicum, et proximum : * et notos meos a miseria.

Añā. Factus sum sicut homo sine adiutorio, inter mortuos liber.

V. In pace factus est locus ejus. **R.** Et in Sion habitatio ejus.

Pater noster. **secreto.**
De Epistola beati Pauli Apostoli ad Hebraeos.

Lectio vii. **Cap. ix. c**

Christus assistens Pontifex futurorum bonorum, per amplius et perfectius tabernaculum non manufactum, id est, non hujus creationis : neque per sanguinem hircorum, aut vitulorum, sed per proprium sanguinem introiit semel in Sancta, aeterna redemptione inventa. Si enim sanguis hircorum et taurorum, et cinis vitulae aspersus inquinatos sanctificat ad emundationem carnis, quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad seruiendum Deo viventi?

R. Astiterunt reges terrae, et principes convenērunt in unum, * Adversus Dōminum, et adversus Christum ejus. **V.** Quare

fremuerunt Gentes, et populi meditati sunt inania? — Adversus.

Lectio viij.

Et ideo novi Testamenti mediator est : ut morte intercedente, in redemptionem earum praevaricationum, quae erant sub priori Testamento, re-promissionem accipiant, qui vocati sunt, aeternae hereditatis. Ubi enim testamentum est, mors necesse est intercedat testatoris. Testamentum enim in mortuis confirmatum est : alioquin nondum valet, dum vivit qui testatus est. Unde nec primum quidem sine sanguine dedicatum est.

R. Aestimatus sum cum descendētib; in lacum : * Factus sum sicut homo sine adiutorio, inter mortuos liber. **V.** Posuerunt me in lacu inferiori, in tenebris, et in umbra mortis. — Factus sum.

Lectio ix.

Lecto enim omni mandato legis a Mōyse universo populo, accipiens sanguinem vitulorum et hircorum, cum aqua et lana coccinea, et hyssopo; ipsum quoque librum et omnem populum asper-

sit, dicens : Hic sanguis testamenti, quod mandavit ad vos Deus. Etiam tabernaculum, et omnia vasa ministerii sanguine similiter aspersit. Et omnia pene in sanguine secūndum legem mundantur : et sine sanguinis effusione non fit remissio.

R. Sepulto Dōmino, signatum est monumentum, volentes lapidem ad ostium monumenti : * Ponentes milites, qui custodirent illum. **V.** Accedentes principes sacerdotum ad Pilatum, petierunt illum. — Ponentes. **Sepulto.**

AD LAUDES.

Añā. O mors, ero mors tua, morsus tuus ero inferne.

Ps. Miserere mei. 314

Añā. Plangenteum quasi unigenitum, quia innocens Dōminus occisus est.

Psalmus cxiij.

Judica me Deus, et discerne causam meam de gente non sancta, * ab homine iniquo, et doloso erue me.

Quia tu es Deus fortitudo mea : * quare me repulisti? et quare tristis incedo, dum affligit me inimicus?

Emitte lucem tuam et ve-

ritatem tuam : * ipsa me deduxerunt, et adduxerunt in montem sanctum tuum, et in tabernacula tua.

Et introibo ad altare Dei : * ad Deum, qui laetificat iuventutem meam.

Confitebor tibi in cithara Deus Deus meus : * quare tristis es anima mea? et quare conturbas me?

Spera in Deo, quoniam adhuc confitebor illi : * salutare vultus mei, et Deus meus.

Añã. Plangenteum quasi unigenitum, quia innocens Dominus occisus est.

Añã. Attendite universi populi, et videte dolorem meum.

Ps. Deus Deus meus. 316.

Añã. A porta inferi erue Domine animam meam.

Canticum Ezechiae.

Isaiae xxxviij. b

EGO dixi : In dimidio dierum meorum * vadam ad portas inferi.

Quaesivi residuum annorum meorum : * dixi : Non videbo Dominum Deum in terra viventium.

Non aspiciam hominem ultra, * et habitatorem quietis.

Generatio mea ablata est, et convoluta est a me, *

quasi tabernaculum pastorum.

Pracisa est velut a texente, vita mea : dum adhuc ordiner, succidit me : * de mane usque ad vesperam finies me.

Sperabam usque ad mane, * quasi leo sic contrivit omnia ossa mea.

De mane usque ad vesperam finies me : * sicut pullus hirundinis sic clamabo, meditabor ut columba :

Attenuati sunt oculi mei, * suspicientes in excelsum :

Domine vim patior, responde pro me. * Quid dicam, aut quid respondebit mihi, cum ipse fecerit?

Recogitabo tibi omnes annos meos * in amaritudine animae meae.

Domine si sic vivitur, et in talibus vita spiritus mei, corripies me, et vivificabis me. * Ecce in pace amaritudo mea amarissima :

Tu autem eruisti animam meam ut non periret, * projecisti post tergum tuum omnia peccata mea.

Quia non infernus confitebitur tibi, neque mors laudabit te : * non exspe-

ctabunt qui descendunt in lacum, veritatem tuam.

Vivens vivens ipse confitebitur tibi, sicut et ego hodie : * pater filiis notam faciet veritatem tuam.

Domine salvum me fac, * et psalmos nostros cantabimus cunctis diebus vitae nostrae in domo Domini.

Añã. A porta inferi erue Domine animam meam.

Añã. O vos omnes qui transitis per viam, attendite et videte, si est dolor sicut dolor meus.

Ps. Laudate Dominum de caelis. 318.

V. Caro mea requiescet in spe. **R.** Et non dabis sanctum tuum videre corruptionem.

Ad Bened. Añã. Mulieres sedentes ad monumentum lamentabantur, flentes Dominum.

V. Christus factus est pro nobis obediens usque ad mortem, mortem autem crucis : propter quod et Deus exaltavit illum, et dedit illi nomen, quod est super omne nomen.

Pater noster. **secreto.**

Psalmus. Miserere mei. **et Oratio.** Respice, quaesumus. **ut supra.** 320.

Et sic dicitur usque ad Nonam.

Dictis Horis ut supra, 320. dicitur Missa, ut in Ordinario : et facta Communione Sacerdotis, statim pro Vesperis dicitur

Añã. Alleluia, alleluia, alleluia.

Psalmus crvj.

Laudate Dominum omnes Gentes : * laudate eum omnes populi : Quoniam confirmata est super nos misericordia eius : * et veritas Domini manet in aeternum.

Glória Patri. Sicut erat. **Repetitur Añã.** Alleluia, alleluia, alleluia.

Capitulum, Hymnus et V. non dicuntur.

Ad Magnificat, Añã. Vespere autem sabbati, quae lucescit in prima sabbati, venit Maria Magdalene, et altera Maria videre sepulcrum, alleluia.

Canticum B. Mariae V.

Luc. j. e

Magnificat * anima mea Dominum : Et exsultavit spiritus meus * in Deo salutari meo.

Quia respexit humilitatem ancillae suae : * ecce enim ex hoc beatam me dicent omnes generationes.

Quia fecit mihi magna qui potens est : * et sanctum nomen ejus.

Et misericordia ejus a progénie in progénies * tíméntibus eum.

Fecit poténtiam in bráchio suo : * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis : * et dívites dimísit inánes.

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula.

Glória Patri. Sicut erat.

Et repetitur *Añã*. *Véspe*re autem sábbati, quæ lucéscit in prima sábbati, venit *María Magdaléne*, et áltera *María* vidére sepúlcrum, allelúia.

Deinde *Sacerdos* dicit. *Dóminus vobíscum*.

Orémus. *Oratio*. *S*pirítum nobis *Dómine* tuæ caritátis infúnde : ut quos sacraméntis *Paschálibus* satiásti, tua fácias pietáte concórdes. *Per Dóminum nostrum*.

Deinde *Dóminus vobíscum*.

Postea *Diaconus* dicit. *Ite missa est, allelúia, allelúia.*

R. Deo grátias, allelúia, allelúia.

Extra *Chorum*, dicto *Pater noster*, et *Ave María*.

Vesperæ inchoantur absolute ab Añã. Allelúia, cum reliq. ut supra, 359. et loco.

Ite missa est, allelúia, allelúia. dicitur R. *Benedicámus Dómino, allelúia, allelúia. R.* Deo grátias, allelúia, allelúia.

Deinde additur *Pater noster*, et nihil aliud.

AD COMPLETORIUM.

Jube domne.

Lectio brevis. *Fratres, Sóbrii estóte.*

R. *Adjutórium nostrum.*

Pater noster.

Et facta *Confessione* et *Absolutione*, dicitur

R. *Convérte nos Deus.*

R. *Deus in adjutórium.*

Glória Patri, et amplius non dicitur *Laus tibi Dómine*, *Rex æternæ glóriæ*, sed ejus loco deinceps dicitur *Allelúia*.

Deinde sine *Añã* dicuntur *Psalmi* consueti. 176.

Hymnus, *Capit.* et *R.* br. non dicuntur.

Ad Nunc dimittis, *Añã*. *Véspe*re autem sábbati, quæ lucéscit in prima sábbati, venit *María Magda-*

léne, et áltera *María* vidére sepúlcrum, allelúia.

R. *Dóminus vobíscum. R.* Et cum spírítu tuo.

Oratio.

*V*isita, quæsumus *Dómine*, habitatióne istam, et omnes insídias inimíci ab ea longe repélle : *Angeli tui sancti* habitent in ea, qui nos in pace custódiant, et benedictio tua sit super nos semper. *Per Dóminum.*

R. *Dóminus vobíscum. R.* Et cum spírítu tuo.

R. *Benedicámus Dómino. R.* Deo grátias.

Benedictio. *Benedícat* et custódiat nos *omnípotens* et *miséricors Dóminus*, *Pater*, et *Fílius*, et *Spirítus sanctus. R.* Amen.

Antiphona.

*R*egína cœli lætare, allelúia, Quia quem meruísti portare, allelúia,

Resurrexit sicut dixit, allelúia,

Ora pro nobis Deum, allelúia.

R. *Gaude et lætare Virgo María, allelúia. R.* Quia surrexit *Dóminus vere*, allelúia.

Orémus. *Oratio.*

*D*eus, qui per resurrectionem *Fílii tui Dómini nostri Jesu Christi* mundum lætificáre dignátus es : præsta quæsumus, ut per ejus *Genitricem Virgíne* *Maríam* perpétuæ capiámus gáudia vitæ. *Per eúdem Christum Dóminum nostrum. R.* Amen.

R. *Divínium auxílium máneat semper nobíscum. R.* Amen.

Deinde dicitur secreto.

Pater noster. Ave María. et Credo.

Et non flectuntur genua toto tempore *Paschali*.

